



CAMPO DE VOLUNTARIADO

“SOUTOMAIOR FAI CAMIÑO”

SOUTOMAIOR (PONTEVEDRA)

| DATAS | IDADES | ÁMBITO | MODALIDADE | PRAZAS |
|---------------|--------|---------|-------------------------|--------|
| 16-27/07/2021 | 18-30 | ESTATAL | MEDIOAMBIENTAL E SOCIAL | 12 |

LOCALIZACIÓN



A historia de Soutomaior vai ligada á historia do seu castelo, centro de referencia indiscutible.

Descoñécense as súas orixes e a

cronoloxía exacta da súa construción, pero a súa fundación hai que vinculala a Pax Méndez Sorrede, que foi o primeiro en utilizar o apelido Sotomaior.

Entre os membros máis célebres desta familia aparecen Pax Gómez de Sotomaior, pola súa pericia política, ou Pedro de Sotomaior, o máis nomeado membro desa estirpe, coñecido como Pedro Madruga, conde de Camiña, que pasou á historia como personaxe cargado de misterio e lenda.

DESCRIPCIÓN DO CAMPO DE VOLUNTARIADO

O plan de actuación deste campo dividirase en 3:

FASE I: FORMACIÓN XACOBEEA “EXPRESS”

Formación do grupo de persoas voluntarias con obradoiros prácticos de contido ambiental, social, histórico e publicitario para facilitar os traballos a desenvolver durante a quenda. Contacto coas administración local para xestionar un correcto aproveitamento das accións do campo no Concello de Soutomaior.

FASE II: TRABALLO DE ACCIÓN AMBIENTAL E SOCIAL NO CAMIÑO

Execución das accións ambientais e sociais no concello (“plogging”, información de apoio a peregrinas/os e intervencións locais puntuais) no Concello.



Recollida de datos in situ para elaboración do informe final de propostas de mellora de conservación do Camiño Portugués o seu paso por Soutomaior.

Xeración de contidos para difusión temática en RRSS e creación do Blog.

FASE III: PROMOCIÓN DO PROXECTO DE VOLUNTARIADO

Promoción e distribución do proxecto en RRSS. Blog “Soutomaior fai camiño”.

ACTIVIDADES COMPLEMENTARIAS

- Rutas ambientais e históricas a puntos de interese do Concello: ponte colgante, río Verdugo, etc.
- Día temático Pedro Madruga e Castelo de Soutomaior.
- Obradoiros de “igualdade de xénero”, de mitoloxía galega, de relaxación.
- Xincanas populares.
- Excursión á Illa de San Simón con ruta mariña en Paddle Surf + piragua.

COMO CHEGAR

Dende Santiago, Pontevedra ou dende Vigo, pódese viaxar por estrada en bus (www.monbus.es).

Tamén se pode facer o traxecto en tren. A parada de tren é en Arcade.

ALOXAMENTO

Pavillón municipal de deportes da Montesiña.

INCORPORACIÓN

O primeiro día no lugar do aloxamento, no pavillón municipal da Montesiña. Tamén se establece como punto de encontro a estación de tren de Arcade. Neste caso é imprescindible comunicar por correo-e a hora de chegada.



CAMPO DE VOLUNTARIADO

“SOUTOMAIOR FAI CAMIÑO”

SOUTOMAIOR (PONTEVEDRA)

COTA

CENTO DEZ (110 €) euros. As persoas posuidoras do carné xove, título de familia numerosa ou familia monoparental, OITENTA E DOUS EUROS E CINCUENTA CÉNTIMOS (82,50 €).

DEVOLUCIÓN DA COTA

Devolverase a cota no caso de suspensión da actividade.

Cando se produza un ingreso hospitalario ou outra causa médica grave, que afecte á persoa e lle impida incorporarse ao campo de voluntariado. Esta causa debe acreditarse cos informes médicos pertinentes e/ou do hospital no que se atopara ingresado o/a interesado/a.

Por falecemento ou enfermidade grave dun familiar ata o 2º grao. Esta causa debe estar acreditada con informes médicos e/ou do hospital onde se atope ingresado o familiar, ou con certificado de defunción, de ser o caso.

EQUIPO ACONSELLABLE

- Artigos de limpeza (bolsa de aseo) e unha toalla de ducha.
- Saco de durmir e mochila pequena.
- Zapatos de montaña e calzado deportivo.
- Roupa: roupa deportiva (suadoiros...) traxe de baño (traxe de baño, toalla, chancletas...) roupa

de abrigo (adecuada para traballar baixo a choiva ou con clima frío) abrigo impermeable, roupa de traballo (guantes, gorro / sombreiro, calzado cómodo...).

DOCUMENTACIÓN

Todas as persoas participantes deberán levar o seu documento de identidade e a tarxeta sanitaria.

SEGURO

Todas as persoas participantes disporán dun seguro que cobre os accidentes que se poidan producir durante a actividade e a responsabilidade civil que deles se poida derivar.

CONTACTOS

Dirección Xeral de Xuventude, Participación e Voluntariado. Tel. 981 957 115.

camposdetraballo.xuventude@xunta.gal

Servizo de Xuventude en Vigo. Tel. 986 817 079

INFORMACIÓN ADICIONAL

www.xuventude.net. Portal da Dirección Xeral de Xuventude, Participación e Voluntariado da Xunta de Galicia con toda a información sobre campos, ocio e tempo libre, actividades, formación...